



Ministry of Civil Affairs

Broj: UP-I-03-07-3-17-2/17
Sarajevo, 03.05.2017. godine

Na osnovu člana 14. Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11 i 100/13), rješavajući po zahtjevu Transparency International Bosne i Hercegovine, ul. Gajeva 2, 78 000 Banja Luka, sekretar Ministarstva civilnih poslova Bosne i Hercegovine donio je

RJEŠENJE

ODOBRAVA SE podnosiocu zahtjeva pristup informacijama.¹

Obrazloženje

Transparency International Bosne i Hercegovine, podnio je 18.04.2017. godine zahtjev za slobodan pristup informacijama, tražeći dostavljanje dokaza o ispunjenosti posebnog uslova vršioca dužnosti direktora Agencije za identifikacione dokumente, evidenciju i razmjenu podataka Bosne i Hercegovine, doc. dr sc. Arifa Nanića, iz člana 17. stav (1) Zakona o Agenciji za identifikacione dokumente, evidenciju i razmjenu podataka Bosne i Hercegovine koji se odnosi na minimalno dvije godine iskustva na rukovodećim poslovima u oblasti informaciono – komunikacionih tehnologija.

Ministarstvo je, prilikom razmatranja ovog zahtjeva, utvrdilo da se pristup traženim informacijama može odobriti i da ne postoje posebna ograničenja pristupa informacijama. Iz navedenih razloga donesena je odluka kao u dispozitivu ovog rješenja.

Pouka o pravnom lijeku

Protiv ovog rješenja može se izjaviti žalba Žalbenom vijeću pri Savjetu ministara Bosne i Hercegovine, Trg Bosne i Hercegovine br. 1, 71 000 Sarajevo, uz uplatu takse u skladu sa Zakonom o administrativnim taksama Bosne i Hercegovine („Službeni glasnik BiH“, br. 16/02, 19/02, 43/04, 8/06, 76/06, 76/07 i 3/10) i Tarifom administrativnih taksi, u roku od 15 dana od dana prijema ovog rješenja. Osim navedenog, imate pravo da se obratite Ombudsmenu Bosne i Hercegovine, Maršala Tita 7, 71 000 Sarajevo, tel: 033/666-006. Glavni ured/ sjedište Institucije Banja Luka; Ravnogorska 18, 78 000 Banja Luka; Bosna i Hercegovina, Tel/Fax: +387 51 303 992, email: info@ombudsmen.gov.ba.

SEKRETAR MINISTARSTVA

Zlatko Horvat

Dostavljeno:

- Podnosiocu zahtjeva,
- a/a.

¹ Ministarstvo ne naplaćuje naknade za podnošenje zahtjeva ili za pisana obavještenja dok se naknada za izvršene usluge umnožavanja naplaćuje u skladu s Odlukom Vijeća ministara BiH o troškovima umnožavanja traženih informacija u skladu sa Zakonom o slobodi pristupa informacijama u BiH („Službeni glasnik BiH“, broj 12/01), i to:

- a) 0,50 KM za svaku stranicu standardnog formata,
- b) 10 KM po CD-u za elektronsku dokumentaciju.

Prvih 20 (slovima: dvadeset) strana umnožavanja materijala standardnog formata je besplatno, a za sve druge tražene informacije s većim brojem strana podnosilac zahtjeva plaća unaprijed.

INFORMACIJA

U vezi sa zahtjevom Transparency International Bosne i Hercegovine, kojim je traženo dostavljanje dokaza o ispunjenosti posebnog uslova vršioca dužnosti direktora Agencije za identifikacione dokumente, evidenciju i razmjenu podataka Bosne i Hercegovine, doc. dr sc. Arifa Nanića, iz člana 17. stav (1) Zakona o Agenciji za identifikacione dokumente, evidenciju i razmjenu podataka Bosne i Hercegovine koji se odnosi na minimalno dvije godine iskustva na rukovodećim poslovima u oblasti informaciono – komunikacionih tehnologija, dajemo sljedeće informacije:

Savjet ministara BiH je, na 96. sjednici održanoj 28.03.2017. godine, imenovao Arifa Nanića za vršioca dužnosti direktora Agencije za identifikacione dokumente, evidenciju i razmjenu podataka Bosne i Hercegovine. Navedeno imenovanje nije izvršeno u skladu sa Zakonom o ministarskim imenovanjima, imenovanjima Savjeta ministara Bosne i Hercegovine i drugim imenovanjima Bosne i Hercegovine, s obzirom na to da je riječ o privremenom imenovanju, tj. do okončanja konkursne procedure za izbor i imenovanje direktora Agencije.

Naime, prilikom ovakvih imenovanja, Savjet ministara BiH ima ovlaštenje da za vršioca dužnosti imenuje lice koje ispunjava uslove za rad u državnoj službi, odnosno institucijama Bosne i Hercegovine. Shodno navedenom, lice koje se imenuje za vršioca dužnosti, a s obzirom na to da je takvo imenovanje privremenog karaktera, ne mora nužno da ispunjava sve uslove koji se traže za konkretnu poziciju. Budući da Arif Nanić dugi niz godina radi u državnoj službi, kao i da je imenovan prilikom ulaska u državnu službu prošao sve provjere u pogledu ispunjavanja uslova za rad u državnoj službi te s obzirom na njegovo radno iskustvo, proizilazi da imenovani ima potrebne kvalifikacije za obavljanje dužnosti na koju imenovan do okončanja konkursne procedure za izbor i imenovanje direktora Agencije.

Napominjemo da je u toku rok za prijave na Javni oglas za izbor i imenovanje direktora Agencije za identifikacione dokumente, evidenciju i razmjenu podataka Bosne i Hercegovine, tako da se može očekivati da postupak izbora direktora ove Agencije bude završen relativno uskoro.